

施

注

苏

诗

施

注

本

詩

施註蘇詩卷之十四

漫堂先生宋 學

閱定 毗陵邵長蘅 刪補

樸園先生張榕端

商丘宋 至

詩三十五首

時守彭城洎戊午元豐改元作

續麗人行

并引

李仲謀家有周昉畫背面欠仲內人極精戲作此

詩

張彥遠名畫記周昉字景玄官至宣州長史多在渾郭功臣家圖畫又云周昉善畫子女

深宮無人春日長沈香亭北百花香美人睡起薄梳洗
燕舞鶯啼空斷腸畫正欲畫無窮意背立東風初破睡

若教回首卻嫣然。陽城下蔡俱風靡。杜陵饑客眼長寒。
蹇驢破帽隨金鞍。隔花臨水時一見。只許腰肢背後看。
心醉歸來茅屋底。方信人間有西子。君不見孟光舉案
與眉齊。何曾背面傷春嘸。

楊妃外傳開元禁中重木芍藥移植於沉香亭前會花方繁開上與妃子賞花命李白進清平調三章未云解釋春風無限恨沉香亭北倚欄干宋玉登徒子好色賦嫣然一笑惑陽城迷下蔡漢韓信傳用廣武君策發使燕燕從風而靡杜子美麗人行背後何所見珠壓腰被穩稱身列子黃帝篇有神巫曰季咸列子見之而心醉
聞李公擇飲傅國博家大醉二首

兒童拍手鬧黃昏。應笑山公醉習園。縱使先生能一石。
主人未肯獨畱髡。

晉山簡注屢見李白襄陽歌落日沒峴山西倒著接羅花下迷襄陽小兒齊拍手擲街中唱白銅鞮傍人借問笑何事笑殺山公醉似泥更記滑稽傳序髡曰

臣飲一斗亦醉一石亦醉云云口暮酒闌合尊促坐男女同席履舄交錯杯盤狼藉堂上燭滅主人畱髡而送客羅襦襟解微聞薝澤當此之時髡心最歡能飲一石不肖惺惺騎馬迴玉山知爲玉人頽紫雲有語君知否莫喚分司御史來

劉禹錫揚州春夜詩寂寂獨看金盞落紛紛只見玉山頽自羞不是高陽侶一夜惺惺騎馬迴世說山公稱嵇叔夜之爲人也巖巖若孤松之獨秀其醉也忽若玉山之將頽唐闕記杜牧爲御史久之分務洛陽時李聰罷鎮開居聲妓豪華爲當時第一嘗宴客女妓百餘皆殊色牧注視良久問曰聞有紫雲者孰是宜以見之李俯而笑諸妓皆回首破顏牧自飲三爵朗吟而起曰華堂今日綺筵開誰分司御史來忽發狂言驚滿座兩行紅粉一時迴意氣閒逸傍若無人

起伏龍行

并引

徐州城東二十里有石潭父老云與泗水通增損清濁相應不差時有河魚出焉元豐元年春旱或云置虎頭潭中可以致雷雨用其說作起伏龍行

何年白竹千鈞弩射殺南山雪毛虎至今顱骨帶霜牙
尚作四海毛蟲祖東方久旱千里赤三月行人口生土
碧潭近在古城東神物所蟠誰敢侮上歆蒼石擁巖竇
下應清河通水府眼光作電走金蛇鼻息爲雲擢煙縷
當年負圖傳帝命左右羲軒詔神禹爾來懷寶但貪眠
滿腹雷霆痞不吐赤龍白虎戰明日公自注是月丙辰明日庚寅倒卷黃
河作飛雨嗟我豈樂鬪兩雄有事徑須煩一怒

後漢南蠻傳板楯者秦昭襄王時有一白虎常從羣虎數遊秦蜀巴漢之境昭王
重募國中能殺虎者時有巴郡閬中人能作白竹之弩登樓射殺白虎昭王嘉
之乃刻石盟要人安之三國志魏杜襲傳千鈞之弩不爲鼯鼠發機尚書故實
南中久旱以繩繫虎頭骨投有龍處入水即數人牽制不定俄頃雲起潭雨亦隨
下龍畏虎雖枯骨能動之如此劉禹錫嘉話亦云毛蟲字出漢書五行志帝王世
紀龍馬出圖於河伏羲觀之以畫八卦黃帝言余夢兩龍挺白圖以授余於河之

都又洛出龜書以賜神禹洪範是也張華博物志龍抱寶而眠謂之癡龍史記孟嘗君傳秦齊世不兩雄洞庭靈姻傳堯遭洪水九年乃此子一怒耳

聞公擇過雲龍張山人輒往從之公擇有詩戲用其韻

我生固多憂肉食常苦墨軒然就一笑猶得好飲力聞君過雲龍對酒兩靜默急攜清歌女出郭及未昃一歡難力致邂逅有勝特喧蜂集晚花亂雀啁叢棘山人樂此耳寂寞誰侍側何當求好人聊使治要襪使君自孤憤此理誰相值不如學養生一氣服千息

左傳哀十三年晉定公吳夫差會于黃池吳晉爭先司馬寅曰請姑視之反曰肉食者無墨今吳王有墨國勝乎太子死乎杜預注墨氣色下也後漢劉子訓傳軒渠笑悅欲往就之詩國風摻摻女手可以縫裳要之襪之好人服之漢匈奴傳冒頓為書遺高后曰陛下獨立孤憤獨居兩主不樂無以自虞注憤仆也猶言不能

自立也虞與媛同音許邁
傳常服氣一氣千餘息

送李公擇

嗟余寡兄弟四海一子由故人雖云多出處不我謀弓
車無停招逝去勢莫畱僅存今幾人各在天一陬有如
長庚月到曉爛不收宜我與夫子相好手足侔比年兩
見之賓主更獻酬樂哉十日飲衍衍和不流論事到深
夜僵仆鈴與騶頗嘗見使君有客如此不欲別不忍言
慘慘集百憂念我野夫兄知名三十秋已得其爲人不
待風馬牛他年林下見傾蓋如白頭

詩國風終鮮兄弟惟予二人左傳逸詩翹翹車乘招我以弓史記范雎傳秦昭王
遺平原君書曰君幸過寡人願與君爲十日飲王注鈴守鈴閣者漢東方朔傳鈴

騶侏儒師古曰騶奉廐之御也晉謝安傳桓溫請安爲司馬旣到溫喜問左右曰頗嘗見我有如此客不野夫公擇之兄名著

送荀芍藥與公擇二首

久客厭鹵饌

公自注蜀人謂東北人鹵子

枵然思南烹故人知我意千里寄

竹萌駢頭玉嬰兒一一脫錦襴庖人應未識旅人眼先

明我家拙廚饅彘肉毛蕪菁送與江南客燒煮配香粳

韓退之初南食詩自宜味南烹爾雅荀竹萌也吳筠竹賦一筍明其亂嗣三節獲子嬰兒儲光義荀詩稚子脫錦襴駢頭玉香滑張平子南都賦若其廚饅則有華

薤重和溢

臯香粳

今日忽不樂折盡園中花園中亦何有芍藥裊殘葩久
旱復遭雨紛披亂泥沙不折亦安用折去還可嗟棄擲
亮未能送與謫仙家還將一枝春插向兩髻丫

陸凱寄梅詩江南無所有聊贈一枝春按公詩特借用其字故爾不拘歐陽公詩小婢立我前赤腳兩髻了

和孫莘老次韻

去國光陰春雪消還家蹤迹野雲飄功名正自妨行樂
迎送纔堪博早朝雖去友朋親吏卒卻辭讒謗得風謠
今年我亦江南去不問繁雄與寂寥

晉向秀傳秀注莊子嵇康曰此書詎復須注正自妨人作樂耳百樂天詩昏
昏一覺睡不博蚤朝人後漢李卬傳和帝分遣使者各至州縣觀採風謠

游張山人園

壁閒一軸煙蘿子盆裏千枝錦被堆慣與先生爲酒伴
不嫌刺史亦顏開纖纖入麥黃花亂颯颯催詩白雨來
聞道君家好井水歸軒乞得滿甍回

唐楊巨源看花詩一林堆錦映千燈王注煙蘿子今所畫修養者多有之錦被堆
一名粉團兒花如月桂而小粉紅或微黃色枝柯纖長高丈餘往往作架承之司
空圖郊園詩遠樹連村暗黃花入麥稀杜子美詩片雲頭
上黑應是雨催詩白樂天詩赤日閒白雨陰晴同一川

杜介熙熙堂

崎嶇世路最先回窈窕華堂手自開咄咄何曾書怪事
熙熙長覺似春臺白砂碧玉味方永黃紙紅旗心已灰
遙想閉門投轄飲鷗絃鐵撥響如雷

王文考靈光殿賦旋室嬋娟以窈窕咄咄用殷浩事已見十一卷和趙郎中詩注
老子衆人熙熙如享太牢如登春臺神仙傳殷七七每醉歌曰琴彈碧玉調鐘養
白朱砂白樂天詩紅旗破賊非吾事黃紙除書無我名投轄陳遵事詳八卷和蘇
州太守詩注鷗絃鐵撥開元賀懷智事已見八卷古纏頭曲注唐文宗時內庫有
二琵琶號大忽雷小忽雷五代史補馮道
之于能彈琵琶以皮爲絃世宗號繞殿雷

次韻答劉涇

吟詩莫作秋蟲聲天公怪汝鉤物情使汝未老華髮生
芝蘭得雨蔚青青何用自燔以出馨細書千紙雜真行
新音百變口如鶩異義蠶起弟子爭舌翻濤瀾卷齊城
萬卷堆胸兀相撐以病爲樂子未驚我有至味非煎烹
是中之樂吁難名綠槐如山閭廣庭飛蟲繞耳細而清
敗席展轉臥見經一作驚亦自不一作不自嫌翠織成意行信足無
溝坑不識五郎呼作卿吏民哀我老不明相戒無復煩
鞭刑時臨泗水照星星微風不起鏡面平安得一舟如
葉輕臥聞郵籤報水程尊羹羊酪不須評一飽且救饑

腸鳴

漢兩龔傳薰以香自燒膏以明自照法書苑晉世以來工書者多以行書著名兼
真者謂之眞行帶草者謂之行草劉伯倫酒德頌陳說禮法是非遽起漢蒯通傳
酈生掉三寸舌下齊七十餘城詩國風輶轉伏枕杜子美張舍人遺襦段詩客從
西北來遺我翠織成唐宋璟傳每宴朝堂張易之昌宗列卿三品璟階六品居下
座易之諂事璟虛位揖曰公第一人何下座璟曰才劣品卑卿何謂第一是時朝
廷以易之內寵不名其官呼易之五郎昌宗六郎鄭善果謂璟曰公奈何謂五郎
爲卿璟曰以官正當爲卿君非其家奴何郎之云後漢馬援傳頗哀老子使得遨
遊唐徐有功傳爲蒲州司法參軍爲政仁不忍杖罰民服其恩更相約曰犯徐參
軍杖者必斥之謝靈運南亭詩戚戚感物歎星星白髮垂杜子美青草湖詩宿槩
依農事郵籤報水程尊羹羊酪見七卷金門寺中詩注陶淵明詩願身營一飽韓
退之詩饑腸
徹死無由鳴

攜妓樂游張山人園

大杏金黃小麥熟墮巢乳鵲拳新竹故將俗物惱幽人
細馬紅粧滿山谷提壺勸酒意雖重杜鵑催歸聲更速
酒闌人散卻關門寂歷斜陽挂疎木

晉王戎傳俗物已復來敗人意李白對酒
歌三八佳人細馬馳青黛畫眉紅錦靴

種德亭

并引

處士王復家於錢塘爲人多技能而醫尤精期於
活人而已不志於利築室候潮門外治園圃作亭
榭以與賢士大夫游惟恐不及然終無所求人徒
知其接花蓀果之勤而不知其所種者德也乃以
名其亭而作詩以遺之

小圃旁城郭閉門芝朮香名隨市人隱德與佳木長元
化善養性倉公多禁方所活不可數相逢旋相忘但喜
賓客來置酒花滿堂我欲東南去再觀雙檜蒼山茶想

出屋湖橘應過牆木老德亦熟吾言豈荒唐

唐詩水淨苔莎色露香芝术苗後漢華佗傳享元化曉養性之術年且百歲而有壯容史記扁鵲倉公傳太倉公姓淳于氏各意少而喜醫方術師元里公乘陽鴈悉以禁方予之史記貨殖傳十歲樹之以木百歲來之以德莊子天下篇繆悠之說荒唐之言

文與可有詩見寄云待將一段鵝谿絹掃取寒梢萬尺長次韻答之

爲愛鵝谿白繭光掃殘雞距紫毫鉅世閒那有千尋竹月落庭空影許長

茶錄蜀東川鵝谿出畫絹作羅底佳白樂天雞距筆賦足之健者雞足毛之勁者兔毛就足之中奮發者利距在毛之內秀出者長毫合爲平筆正得其要

聞辯才法師復歸上天竺以詩戲問

道人出山去山色如死灰白雲不解笑青松有餘哀忽

聞道人歸鳥語山容開神光出寶髻法雨洗浮埃想見
南北山花發前後臺寄聲問道入借禪以爲訴何所聞
而去何所見而回道入笑不答此意安在哉昔年本不
住今者亦無來此語竟非是且食白楊梅

盧仝月蝕詩青山死灰色莊子盜跖篇孔子下車色若死灰楞嚴經世尊從肉髻
中踊百寶光光中涌出千葉寶蓮白樂天寄上天竺詩前臺花發後臺見上界鐘
聲下界聞晉嵇康書與向秀鍛於大樹下鍾會往造焉康不爲禮而鍛不輟久之
會去康謂曰何所聞而來何所見而去會曰聞所聞而來見所見而去金剛經應
生無所住心若心有住則爲非住又阿那含名爲不來而實無不來死戶雜錄鄭
虔云越州客山有白楊梅杭州圖經楊梅塢在南山近瑞峰楊梅尤盛有紅白三
種今杭人呼白
者爲聖僧梅

和子由送將官梁左藏仲通

雨足誰言春麥短城堅不怕秋濤卷日長惟有睡相宜

半脫紗巾落紈扇芳草不鋤當戶長珍禽獨下無人見
覺來身世都是夢坐久枕痕猶著面城西忽報故人來
急掃風軒炊麥飯公自注徐州所出伏波論兵初矍鑠中散談仙更
清遠南都從事亦學道不卹腸空誇腦滿問羊他日到
金華應許相將游閬苑

蜀志周羣傳先主將誅張裕諸葛亮表請其罪答曰於蘭生門不得不鋤謝承後
漢書李固爲太守食麥飯後漢馬援傳劉尚擊武陵五谿蠻軍沒援請行帝怒其
老援據鞍顧盼以示可用帝笑曰矍鑠哉是翁也援爲伏波將軍晉嵇康傳嵇康
仕魏爲中散大夫常修養生服食之事以爲神仙稟之自然非學所得至於導養
得理則安期彭祖之壽可及乃著養生論王注南都從事謂子由也時子由從張
文定僉書南京判官嘗云學道三十年今始窺聞道也道家口訣欲得不死腸中
無滓欲得不老還精補腦神仙傳黃初平家使牧羊有道士將至金華山石室中
其兄尋索見之問羊何在初平叱白石俱起成羊兄曰道可學否初平曰唯好卽
得兄乃棄家服茯苓五萬日遂得仙集仙錄西王母居閬風之
苑東方朔十洲記崑崙山三角其一正北子辰星之輝名閬風